

Djúpavogi 27.10.2022

Til Heimastjórnar Djúpavogs

Efni: Teigarhorn veglína.

Um nokkurt skeið hefur staðið yfir undirbúningur við uppbyggingu á Teigarhorni en svæðið er Fólkvangur og hluti hans er náttúrvætti og friðlýst sem slíkt. Nú stendur fyrir dyrum að vinna við Verndar og stjórnunaráætlun fyrir svæðið og sú vinna er á lokametrunum. Eitt af því sem áætlað er að gera er að byggja upp þjónustumiðstöð á því svæði sem gömlu fjárhúsin standa núna en samhliða því er miðað við að þjóðvegur 1 færist frá húsunum á vegstæði sem hefur verið hannað og sett á skipulag auk þess sem nýja veglínan er inni í Samgönguáætlun (Sjámeðfylgjandi gögn). Tilgangurinn með þessari færslu er fyrst og fremst að auka öryggi vegfarenda en leiðin um Eyfeyjunesvík og á milli kletta ofan við bæ er með hættulegum blindbeygjum og blindhæðum. Eins og fyrr segir er þessi framkvæmd inn á samgönguáætlun og hangir þar saman með nýrri brú yfir Búlandsá sem á að leysa af hólmi gömlu einbreiðu brúna sem þar er. Verkefnið var sett í flokk undir 1000 milljónum á þriðja tímabili. Til þess að verkefnið verði að veruleika þarf töluverða eftirfylgni og það er ósk stjórnar Fólkvangsins á Teigarhorni að Múlaþing beiti sér fyrir því að þetta verkefni komi til framkvæmda sem fyrst þannig að umferðaröryggi verði aukið á sama tíma og það greiði fyrir uppbyggingu á Teigarhorni.

Fyrir hönd stjórnar fólkvangsins á Teigarhorni.

Kristján Ingimarsson.